



ევროპულ საბავშვო ბაღში სასწავლო პროცესის განმავლობაში

ახალი კორონავირუსით გამოწვეული ინფექციის (SARS-CoV-2) პრევენციის მიზნით მშობლის/კანონიერი წარმომადგენლის მიერ გასათვალისწინებელი ზოგადი რეგულაციები

- დაუშვებელი ბაღის შენობაში გარეშე პირების (მათ შორის მშობელთა/კანონიერ წარმომადგენელთა) შესვლა. ბავშვების მიღება უნდა განხორციელდეს ბაღის თანამშრომლის მიერ;
- ბაღის შესასვლელთან უნდა განხორციელდეს თერმოსკრინინგი, რათა გაკონტროლდეს როგორც პერსონალის, ასევე, ბავშვებისა და მათი მშობლების/კანონიერი წარმომადგენლების ჯანმრთელობის მდგომარეობა ტემპერატურის გაზომვის გზით;
- თერმოსკრინინგის დროს დაფიქსირებული მაღალი ტემპერატურის ხელმეორედ გადამოწმების მიზნით, შენობის შესასვლელში მოწყობილია მოსაცდელი სივრცე;
- თერმოსკრინინგისას, ცხელების 37°C ან 37°C -ზე მეტი ტემპერატურის დაფიქსირების შემთხვევაში, პირი ექვემდებარება მოსაცდელ სივრცეში ტემპერატურის გადამოწმებას ვერცხლისწყლის თერმომეტრით, 15 წუთიან შუალედში. ყოველი გამოყენების შემდეგ ვერცხლისწყლის თერმომეტრი უნდა დამუშავდეს სადეზინფექციო ხსნარით;
- რესპირატორული სიმპტომების/ცხელების მქონე ბავშვი, სიმპტომების გამოვლენისთანავე, დროებით გადაყვანილ უნდა იქნეს საიზოლაციო ოთახში მშობლის/კანონიერი წარმომადგენლის მოკითხვამდე. მშობლის/კანონიერი წარმომადგენლის გონივრულ ვადაში გამოუცხადებლობის შემთხვევაში, ბავშვი ვალდებულია დაუკავშირდეს 112-ს შესაბამისი სამედიცინო სერვისის მისაღებად ბავშვის გადამისამართების მიზნით;
- სიცხის გადამოწმების შემდეგ 37°C ან 37°C -ზე მეტი ტემპერატურის დადასტურების შემთხვევაში:
 - აღსაზრდელი უნდა განთავსდეს წინასწარ მომზადებულ საიზოლაციო ოთახში. დაუყოვნებლივ უნდა მოხდეს მშობელთან/კანონიერ წარმომადგენელთან დაკავშირება, რომელიც ვალდებულია ბავშვის ბაღიდან დროულად გაყვანაზე;

- მშობლის/კანონიერი წარმომადგენლის გონივრულ ვადაში გამოუცხადებლობის შემთხვევაში ბალი ვალდებულია დაუკავშიდეს 112-ს, შესაბამისი სამედიცინო სერვისის მისაღებად ბავშვის გადამისამართების მიზნით;
- დაუშვებელია რესპირატორული ინფექციისთვის დამახასიათებელი სიმპტომების მქონე (ხველა, ცემინება, სურდო, სუნთქვის გაძნელება, საერთო სისუსტე და ა. შ.) აღსაზრდელების დაშვება ბაღის შენობაში;
- კომუნიკაციის გაძლიერების სტრატეგიისა და ბაღთან დიალოგის წახალისების მიზნით, გამოყენებულ უნდა იქნეს კომუნიკაციის ელექტრონული საშუალებები (მაგ. მოკლე ტექსტური შეტყობინება ან ვიდეო ზარი, პოსტერები);
- ბაღში დაცული უნდა იყოს ბავშვის მიღებისა და გაშვების დროში გაწერილი გრაფიკის დაცვა, ამასთან, რაიმე მიზეზით გრაფიკის დარღვევის აუცილებლობის შემთხვევაში, მშობელმა/კანონიერმა წარმომადგენელმა ბაღში მისვლამდე არანაკლებ 10 წუთით ადრე უნდა აცნობოს ტელეფონით ჯგუფის ხელმძღვანელს, რათა საკმარისი დრო იყოს იმისთვის, რომ ბავშვი მოამზადონ სახლში წასასვლელად;
- აკრძალულია სახლიდან სათამაშოების მოტანა;
- რეკომენდირებულია აღსაზრდელის მიერ სუფთა და მარკირებული წყლის ბოთლის ბაღში ტარება. წყლის ბოთლი უნდა გაირეცხოს დაბინძურების შესაბამისად, მაგრამ არანაკლებ დღეში ერთხელ;
- აღსაზრდელს უნდა ჰქონდეს ფანქრების, მაკრატლებისა და სხვა საშუალებებისთვის გამოყოფილი ინდივიდუალური ყუთები ისე, რომ სახელოვნებო/გასართობი საქმიანობის დროს თითოეულმა გამოიყენოს მისთვის ინდივიდუალურად განკუთვნილი ნივთები;
- წინასწარ უნდა მიეწოდოს ბაღს ინფორმაცია იმის შესახებ, აქვს თუ არა ბავშვს ალერგია ალკოჰოლზე ან რომელიმე ისეთ ნივთიერებაზე, რომელიც შედის სადეზინფექციო სითხის შემადგენლობაში;
- უზრუნველყავით აღსაზრდელის თმის შეკვრა/მჭიდროდ დამაგრება, რათა მაქსიმალურად შეიზღუდოს თმების სახის ზედაპირთან შეხება;
- საწოლის თეთრეული უნდა გამოიცვალოს კვირაში ერთხელ ან მეტჯერ საჭიროებისამებრ. გამოყენებული თეთრეულის შეგროვება მოხდეს ინდივიდუალურად ერჯერად პარკებში და გადაეცეს მშობელს რეცხვისთვის და დეზინფექციისთვის;
- დაბინძურების ხარისხისა და თეთრეულის ტიპის მიხედვით უნდა შეირჩეს რეცხვის შესაბამისი პროგრამა. COVID-19-ის შესაძლო გავრცელების პრევენციის მიზნით, მიზანშეწონილია, გამოყენებულ იქნეს რეცხვის არანაკლებ 60 °C ტემპერატურა და სათანადო სარეცხი ფხვნილის კომბინაცია. აღნიშნული ტემპერატურული რეჟიმის უზრუნველყოფის შეუძლებლობის შემთხვევაში, რეცხვა წარმოებს შესაბამისი სადეზინფექციო საშუალებებით (მაგ., 0,5 %-იანი ქლორშემცველი ხსნარი) დეკონტამინაციის შემდეგ.
- თეთრეულის დაბრუნება ბაღში უნდა მოხდეს დალუქული პარკით;
- ცხელების ან სხვა რესპირატორული დაავადების სიმპტომების გამოვლენისას უზრუნველყავით ბავშვის მიმართვა ოჯახის ექიმთან, ან ცხელების ცენტრში, შესაბამისი სამედიცინო მომსახურების მისაღებად და PCR ტესტირების ჩასატარებლად;

- ბაღში ცხელების, რესპირატორული სიმპტომების დაფიქსირების ყველა შემთხვევის შემდგომ აღსაზრდელის დაშვება ხდება PCR ტესტირების დასკვნის საფუძველზე (COVID-19-ით ინფიცირების არ არსებობის შემთხვევაში);
- სრულად დაიცავით ევროპული საბავშვო ბაღის მიერ შემუშავებული სასწავლო პროცესის განმავლობაში ახალი კორონავირუსით გამოწვეული ინფექციის (SARS-CoV-2) პრევენციის მიზნით დადგენილი რეგულაციები.